

Вход 10.11.2024

Тропарь глас 3:

Да веселя́тся небеса́ная,/ да ра́дуются земна́я,/ я́ко сотвори́ держа́ву/ мы́шцею Своёю
Госпо́дь,/ попра́ сме́ртию сме́рть,/ пе́рвенец ме́ртвых бы́сть;/ из че́рева а́дова изба́ви
на́с, // и подаде́ ми́рови ве́лию ми́лость.

Тропарь глас 4:

Прави́ло ве́ры и обра́з кротости,/ возде́ржания учи́теля/ яви́ ты ста́ду тво́ему/ Я́же веще́й
Исти́на./ Сего́ ради́ стяжа́л еси́ смире́нием висо́кая,/ ни́щетою бога́тая,/ отче
священнонача́льниче Никола́е,/ моли́ Христа́ Бога, // спа́стися ду́шам на́шим.

Тропарь глас 4:

Му́ченицы Тво́й, Го́споди,/ во страда́ниях сво́их венца́ при́йша нетле́нные от Тебе́, Бо́га
на́шего:/ иму́ще бо крѣ́пость Твою́,/ му́чителей низложи́ша,/ сокруши́ша и де́монов
немо́щныя де́рзости,/ тех моли́твами // спа́си ду́ши на́ша.

Тропарь глас 4:

Многострада́льнаго пра́отца долготерпе́ние стяжа́в,/ Крестите́леву возде́ржанию
уподо́бляясь,/ Боже́ственныя же ре́вности обою́ приобща́ясь,/ тех имена́ досто́йно
при́йти сподо́бился еси́/ и и́стинныя ве́ры был еси́ проповѣ́дник безбо́язнен:/ те́мже
мона́хов мно́жества ко Христу́ приве́л еси́/ и вся лю́ди в Правосла́вии утверди́л еси́,/
Йо́ве преподо́бне о́тче наш, // моли́ спа́стися ду́шам на́шим.

Кондак, глас 3:

Воскре́сл еси́ днесь из гроба́, Ще́дре,/ и на́с возве́л еси́ от врат сме́ртных;/ днесь Ада́м
лику́ет, и ра́дуется Е́ва,/ вку́пе же и проро́цы с патриа́рхи воспева́ют непреста́нно//
Боже́ственную держа́ву вла́сти Твое́я.

Кондак, глас 3:

В Мирех, свя́те, священноде́йствитель показа́лся еси́,/ Христо́во бо, преподо́бне,
Еванге́лие исполни́в,/ положи́л еси́ ду́шу твою́ о лю́дех твоих/ и спа́сл еси́ неповинны́я
от сме́рти./ Сего́ ради́ освя́тился еси́, // я́ко вели́кий таинник Бо́жия благода́ти.

Кондак, глас 3:

Му́ченическая чести́ая па́мь при́иде днесь, весе́лящи все́ческая,/ Теренти́я
прему́драго и подру́жии егó./ Те́пле у́бо стеце́мся, да при́имем исцеле́ние,/ си́и бо
благода́ть при́емше от Ду́ха Свята́го // исцеле́яти недуги́ и боле́зни ду́ш на́ших.

Слава

Кондак, глас 4:

Яви́лся еси́ и́стинныя ве́ры столп,/ ева́нгельских же за́поведей ре́внитель,/ горди́ни
обличи́ение,/ смире́нным же предста́тель и науче́ние:/ те́мже и ублажа́ющим тя грехо́в
отпу́щение испроси́,/ и оби́тель твою́ невредиму́ сохрани́, // Йо́ве о́тче наш,
многострада́льному подо́бный.

и ныне

Кондак, глас 6:

Предста́тельство христиа́н непосты́дное, / ходата́йство ко Творцу́ непрело́жное, / не
презри грешных моле́ний гласы́, / но предва́ри, я́ко Благая́, на помо́щь на́с, верно
зовущих Ти: / ускори́ на моли́тву и потщи́ся на умоле́ние, / предста́тельствующи
присно, Богороди́це, чтущих Тя.

Прокі́мен, глас 3: Пойте Богу́ нашему́, пойте, / пойте Царе́ви нашему́, пойте.

Прича́стен: Хвалите́ Господа́ с небес, хвалите́ Его́ в вы́шних. Аллилу́иа, аллилу́иа,
аллилу́иа.